

2020 nr. 76 10. júlí**[Lög um Loftslags- og orkusjóð]¹⁾²⁾**

¹⁾ L. 66/2024, 6. gr. ²⁾ Lögnum var breytt með l. 110/2024, 8. gr.; breytingin tekur gildi 1. jan. 2025.

Tóku gildi 14. júlí 2020. Breytt með: L. 66/2024 (tóku gildi 1. júlí 2024). L. 110/2024 (taka gildi 1. jan. 2025 nema 3. mgr. 2. gr. sem tekur gildi 1. jan. 2026; um lagaskil sjá 7. gr. og brbákv.).

Ef í lögum þessum er getið um ráðherra eða ráðuneyti án þess að málefnasvið sé tilgreint sérstaklega eða til þess vísað, er átt við **umhverfis-, orku- og loftslagsráðherra** eða **umhverfis-, orku- og loftslagsráðuneyti** sem fer með lög þessi.

■ 1. gr. [Loftslags- og orkusjóður].¹⁾

□ Starfrækja skal sjóð í eigu íslenska ríkisins sem nefnist [Loftslags- og orkusjóður].²⁾ Ríkið ber ábyrgð á skuldbindingum sjóðsins og heyrir hann stjórnarfarlega undir ráðherra.

¹⁾ L. 66/2024, 2. gr. ²⁾ L. 66/2024, 1. gr.

■ 2. gr. Hlutverk.

□ Hlutverk [Loftslags- og orkusjóðs]¹⁾ er að stuðla að hagkvæmri nýtingu orkuaðlinda landsins með styrkjum eða lánum, einkum til aðgerða er miða að því að draga úr notkun jarðefnaeldsneytis og auka nýtingu á innlendum endurnýjanlegum orkugjöfum.

□ [Loftslags- og orkusjóður]¹⁾ styður jafnframt við verkefni sem stuðla að orkuöryggi og samkeppnishæfni á sviði orkumála og orkutengd verkefni á grundvelli orkustefnu, nýsköpunarstefnu, byggðastefnu og stefnu stjórnvalda í loftslagsmálum.

□ [Loftslags- og orkusjóður skal enn fremur styðja við nýsköpunar- og innviðaverkefni á sviði loftslagsmála, verkefni sem stuðla að innleiðingu hringrásarhagkerfisins og verkefni sem lúta að kynningu og fræðslu um áhrif loftslagsbreytinga.

□ Jafnframt er hlutverk Loftslags- og orkusjóðs að sjá um beinar stuðningsaðgerðir, svo sem styrki til kaupa á rafbílum og styrki til jarðhitaleitar, eftir atvikum hverju sinni.]²⁾

¹⁾ L. 66/2024, 1. gr. ²⁾ L. 66/2024, 3. gr.

■ 3. gr. Stjórn.

□ [Ráðherra skipar fimm einstaklinga í stjórn Loftslags- og orkusjóðs til fjögurra ára. Formaður skal skipaður án tilnefningar og honum til viðbótar skipar ráðherra einn fulltrúa án tilnefningar, einn fulltrúa, sem hefur þekkingu á loftslagsmálum, samkvæmt tilnefningu háskólasamfélagsins, einn fulltrúa samkvæmt tilnefningu Samtaka atvinnulífsins og einn fulltrúa samkvæmt tilnefningu umhverfisverndarsamtaka.]¹⁾

□ Stjórn [Loftslags- og orkusjóðs]²⁾ skal hafa yfirumsjón með umsýslu sjóðsins í samræmi við hlutverk hans.

□ Orkustofnun annast daglega umsýslu [Loftslags- og orkusjóðs]²⁾ undir yfirstjórn stjórnar sjóðsins. [Stjórninni er þó heimilt að framselja óháðum aðila faglega umsýslu sjóðsins samkvæmt samningi.]¹⁾

□ [Ákvarðanir sem teknar eru um að veita styrki úr Loftslags- og orkusjóði eru endanlegar á stjórnarsýslustigi.]¹⁾

¹⁾ L. 66/2024, 4. gr. ²⁾ L. 66/2024, 1. gr.

■ 4. gr. Fjármögnun verkefna.

□ Stjórn [Loftslags- og orkusjóðs]¹⁾ gerir tillögur til ráðherra um lánveitingar . . . ²⁾ úr [Loftslags- og orkusjóði]¹⁾ í samræmi við áherslur og stefnumótun stjórnvalda sem og fjárhags- og greiðsluáætlun sjóðsins.

□ [Loftslags- og orkusjóði]¹⁾ er ekki heimilt að veita Orkustofnun styrki eða lán af fé sjóðsins.

¹⁾ L. 66/2024, 1. gr. ²⁾ L. 66/2024, 5. gr.

■ 5. gr. Eftirlit.

□ Þeir sem hljóta styrk eða lán frá [Loftslags- og orkusjóði]¹⁾ skulu gera grein fyrir framvindu verkefna og ráðstöfun fjár samkvæmt nánari reglum stjórnar [Loftslags- og orkusjóðs].¹⁾

□ Ríkisendurskoðun annast árlega endurskoðun reikninga [Loftslags- og orkusjóðs].¹⁾

¹⁾ L. 66/2024, 1. gr.

■ 6. gr. Tekjur.

□ Tekjur [Loftslags- og orkusjóðs]¹⁾ eru framlag úr ríkissjóði samkvæmt ákvörðun Alþingis á fjárlögum hverju sinni og vextir af fé sjóðsins.

¹⁾ L. 66/2024, 1. gr.

■ 7. gr. Kostnaður af rekstri.

□ Kostnaður af rekstri [Loftslags- og orkusjóðs]¹⁾ greiðist af tekjum hans eða eigin fé.

¹⁾ L. 66/2024, 1. gr.

■ 8. gr. Reglugerðarheimild.

□ Ráðherra skal setja í reglugerð nánari fyrirbúning úthlutunar, lánveitingar, þ.m.t. vexti og önnur útlánakjör, greiðslur, eftirlit með framkvæmdum sem [Loftslags- og orkusjóður]¹⁾ veitir fé til og heimildir til að fella niður endurgreiðsluskyldu lántaka. Stjórn [Loftslags- og orkusjóðs]¹⁾ getur sett nánari reglur og skilyrði um tilfærslu fjármuna milli einstakra verkefna ef nauðsyn krefur.

□ Ráðherra er heimilt að setja í reglugerð nánari ákvæði um starfsemi og skipulag [Loftslags- og orkusjóðs]¹⁾ og framkvæmd laga þessara.

¹⁾ L. 66/2024, 1. gr.

■ 9. gr. Gildistaka.

□ Lög þessi öðlast þegar gildi. . .